

現代生活藝術系列

華嚴經疏論纂要 67

——十地品之八

華藏淨宗學會印贈

大方廣佛華嚴經疏論纂要卷第六十七

五臺山清涼國師澄觀疏鈔

太原方山長者李通玄 論

閩鼓山私淑比丘道霈纂要

十地品第二十六之八

○第五難勝地初明大意

〔疏〕所以來者。畧有四義。一約寄位。四五六地寄出世間前寄初果。此寄羅漢。義次第故。雖有四果。舉於始終。以攝中間。此依本論。約所觀行相。以後六地既觀緣起。寄同緣覺。故但二地寄於聲聞。仁王

下卷。瓔珞上卷。約人配位。以七地未離分段。故四五六七寄同聲聞。二前明覺分相應慧。今辨諸諦相應慧。故三前得出世。未能順世。今能五明攝化。故次明之。四前得三十七菩提分。今辨方便所攝菩提。故此後三意。出於瑜伽。○言難勝者。解深密云。卽由於彼菩提分法。方便修習。最極艱難。名極難勝。此從初說。故初分經云。善修菩提分法。故等攝大乘云。由真諦智。與世間智。更互相違。合此難合。令相應。故唯識同此。世親釋云。由此地中。知真諦智。是無分別。知世間工巧等智。是有分智。此二

相違。應修令合。能合難合。令相應故。名極難勝。此通初中後。瑜伽云。今此地中。顯示菩薩於聖諦決定妙智。極難可勝。名難勝地。唯約地中。莊嚴論云。於此五地有二種難。一勸化無惱難。二生不從心無惱難。此地菩薩能退二難。於難得勝。此多約地滿。若據實位。約仁王經。初地菩薩四天王。卽雙照二諦平等道。今約寄位。前寄出世。此方卻入。故云無礙。○故此地中。斷於下乘般涅槃障者。卽前四地出世。厭生灰苦。樂趣涅槃。此障五地。今入真俗無差別道。便能斷之。此斷欣厭。卽是二愚。○由此

證得類無差別真如。亦約生滅涅槃皆平等故。○其所成行。亦成二種。謂諸諦增上慧行。五明處教化行。此二無礙。故得無差別法身之果。皆義旨相順。〔鈔〕無差別法身。二諦均。故疏結云。義旨相順。

〔論〕何故名爲難勝地。爲以禪波羅密發起善根。慈悲喜捨。通達世法。下地不如。故名難勝地。又明以定體善知世法。無定亂性。勝於定亂。故名難勝地。爲過三界惑。復不證涅槃。三界及涅槃。總不能壞其無依住之智慧。故名難勝地。

○次正釋文。文亦三分。初讚請分。

菩薩聞此勝地行

於法解悟心歡喜

空中雨華讚歎言

善哉大士金剛藏

〔疏〕讚請分中九頌半分二。初八頌半供讚。後一頌

請說前中三。初一菩薩供讚

自在天王與天衆

聞法踊躍住虛空

普放種種妙光雲

供養如來喜充徧

〔疏〕次一天王衆。餘皆天女

天諸姝女奏天樂

亦以言辭歌讚佛

悉以菩薩威神故

於彼聲中發是言

〔疏〕於中三。初一偈標

佛願久遠今乃滿

佛道久遠今乃得

釋迦文佛至天宮

利天人者久乃見

大海久遠今始動

佛光久遠今乃放

衆生久遠始安樂

大悲音聲久乃聞

〔疏〕次四偈半讚於中初二偈美感應。皆言久者。佛應由機。機難有故。大海動者。動佛智海。竭苦海故。

功德彼岸皆已到

憍慢黑闇皆已滅

最極清淨如虛空

不染世法猶蓮華

大牟尼尊現於世

譬如須彌出巨海

供養能盡一切苦

供養必得諸佛智

此應供處供無等

是故歡心供養佛

〔疏〕後二偈半。讚具德。初偈具智斷。次半具恩。後一具此三德。是故應供

如是無量諸天女

發此言辭稱讚已

一切恭敬喜充滿

瞻仰如來默然住

是時大士解脫月

復請無畏金剛藏

第五地中諸行相

唯願佛子爲宣說

〔疏〕三二偈。結讚。及請說。並可知

○第二正說分中。先明位行。後辨位果。前中論分爲三。初勝慢對治。二佛子菩薩摩訶薩如實知

下。不住道行勝。三佛子菩薩摩訶薩任此下。明
彼果勝。初卽加行道。及初任地無間道。次卽正
任地解脫道。後卽地滿勝進道。初言勝慢者。慢
有二種。一他地慢。謂四地中得出世智。取其勝
相。名爲勝慢。今以十種淨心爲治。二自地慢。謂
於此十心希求勝相。復以爲慢。以隨順如道爲
治。此二通名勝慢。故此一分。有其二道。文中二。
先治他地慢。後佛子菩薩摩訶薩任此下。治自
地慢。前中三。初結前舉後。二徵起正顯。三結能
入地。今初。

爾時金剛藏菩薩告解脫月菩薩言。佛子。菩薩摩訶薩第四地所行道善圓滿已。欲入第五難勝地。當以十種平等清淨心趣入。

〔疏〕平等有二義。一是如理。二是因果淨法。千聖同規。名淡淨心。是此地觀解故。論云。於平等中心得清淨故。〔鈔〕言淡淨心。卽是論經。今經但云清淨心耳。此復何異。後地觀

察十平等法。此有三異。一。此地治前於淨起慢。故偏明淨法平等。後地對此依真入俗。通觀染淨諸法皆悉平等。二。此約舉等理以顯心淨。後地舉觀察以入等理。三。此通理事二等。後地一向約理融

二諦故。此皆地地背相捨離。後漸勝故。此有三下答。一。所治通局。通染則勝。二。能所前後。若舉所等以成能等。此心猶淺。若舉能觀以入所觀。此觀則深。三。能治通局。一向局理。六地則深。故疏結云。此皆地地背相捨離。以勝捨劣。

○二正顯十心

何等爲十。所謂於過去佛法平等清淨心。未來佛法平等清淨心。現在佛法平等清淨心。戒平等清淨心。心平等清淨心。除見疑悔平等清淨心。道非道智平等清淨心。修行智見平等清淨心。於一切菩提分法。上上觀察平等清淨心。教化一切衆生平等清淨心。

疏十心分二。初三明諸佛法論云。謂三世力等者。

卽果位十力等也。鈔卽果位者此一等字等餘果法謂四無所畏十八不共三身
四智等。非釋平等。平後七明隨順諸佛法。二利因
等淨心前已總釋。行順成果故。於中前六自利。後一利他。前中合爲
三學。初戒。次定。餘四慧故。離爲七淨。一戒淨。二定
淨。三見淨。四度疑淨。見疑相顯。經合一句。爲成十
故。五道非道淨。此前五淨。大小名同。小乘六名。行
淨。七行斷淨。以彼宗中趣盡滅故。今大乘六名。行
斷。經云。修行智見。畧無斷字。七名思量菩提分法
上上淨。以依行斷起勝求故。

○三結能入地

菩薩摩訶薩以此十種平等清淨心得入菩薩第五地

疏可知

○第二治自地慢論明如道行。又順經意前明入心。從此已下。皆明任心。應分爲三。此攝方便具足任。修行十心。是方便義。不退轉者。卽是任義。二不住道。行勝。攝離癡亂。行。智清淨等無癡亂故。三彼果勝。攝無盡功德藏。迴向。攝德無盡故。今且順論。此明如道行。

佛子。菩薩摩訶薩住此第五地已。以善修菩提分法。

故善淨深心故。復轉求上勝道故。隨順具如故。願力所持故。於一切衆生慈愍不捨故。積集福智助道故。精勤修習不息故。出生善巧方便故。觀察照明上上地故。受如來護念故。念智力所持故。得不退轉心。

〔疏〕於中三。初標分位爲顯。隨如已入五地。次以善下。總顯後願力下。別明二。二總顯中四句。皆是正修諸行。故總名順如。謂前二句爲所治。卽四地修菩提分。以前十心。能善清淨。得入五地。於此淨心希求勝相。卽復是慢慢在文外。故以後二句而爲能治。初句轉求不住道。行勝爲能治。謂不住淨心而

起諸行。卽治住淨慢故。後句雖起諸行。不退失前
平等深淨之心。則能隨順真如。平等卽如故。後別
明中顯上隨如之行。有其八種。經有九句。前七各
一。後二爲一。八中前二是起行心。一自利願。卽修
菩提心。二利他慈。卽不疲倦心。後六是行。謂三得
善根力。四不捨衆行。五善巧修行。六無厭足故。照
明上上。七得他勝力。八自得勝力。此有二句。初句
具三慧。念是聞思。智卽修慧。後句勝進究竟。上六
行中。前三自分。後三勝進。各有初中後。思之。鈔後別明
者問。八皆事行。何名如行。答。有二意。一此助顯
眞如觀故。二如中起行。俱無所著。方顯隨如。

初勝慢對治竟

○第二不住道行勝。有二種觀。一所知法中智清淨勝。二佛子至得如是諸諦下。利益衆生勤方便勝。初卽自利護煩惱行。故不住世間。後卽利他護小乘行。不住涅槃。同時相導。名不住道。今初智勝。分二。先明四諦實法分別。後善知俗下。復就此四。明十觀門。化生差別。此乃十種觀於四諦。非謂觀十四諦也。故瑜伽任品云。此地於四聖諦。由十行相。如實了知。今初

佛子。此菩薩摩訶薩。如實知此是苦聖諦。此是苦集

聖諦。此是苦滅聖諦。此是苦滅道聖諦。

疏言實法者。有佛無佛。苦集二諦。體是妄想雜染。

因果。滅道二諦。體是出世清淨因果。此約諦實義釋。若約審諦釋者。前二無佛。不能知此是苦是集。

寧有後二滅道果因。餘如本品。鈔一所知者。諦是

中。照見離垢。故名清淨。慈悲攝物。名利益衆生。無情稱勤。善巧爲方便。

○後十觀中。畧啓四門。一制立。謂四諦義含法界。

菩薩窮照無遺。隨智異說難窮。畧舉十明無盡。

然十皆菩薩自智。智相難明。故論約化生以明。

其異。以此通名所知法中智清淨也。二明開合。

此十總唯是一化生分別。若隨所化大小分二。前九化小。後一化大。故若隨化所起。則分爲三。前五生解。次四起行。後一令證。故約人不同。離以爲七。初爲根未熟。乃至七爲大乘可化。故至文當知。三對實法以明通別。此十望前四諦。前五通觀四諦。謂一世俗者。觀四諦法相。二觀其性空。三通觀性相無礙。四觀性相各異。五觀此四緣起集成。次四別觀四諦。謂六七八九。如次觀苦集滅道。後一但觀滅道。菩薩地因證佛智。故四正釋文。文分爲二。初列十名。

善知俗諦。善知第一義諦。善知相諦。善知差別諦。善知成立諦。善知事諦。善知生諦。善知盡無生諦。善知入道智諦。善知一切菩薩地次第成就諦。乃至善知如來智成就諦。

○二次第解釋

此菩薩隨衆生心。樂令歡喜故。知俗諦。通達一實相故。知第一義諦。覺法自相共相故。知相諦。了諸法分位差別故。知差別諦。善分別蘊界處故。知成立諦。覺身心苦惱故。知事諦。覺諸趣生相續故。知生諦。一切執惱畢竟滅故。知盡無生智諦。出生無二故。知入道

智諦。正覺一切行相。故善知一切菩薩地次第相續成就。乃至如來智成就諦。以信解智力知。非以究竟智力知。

〔疏〕依本論攝十爲七。初一爲根未熟衆生。謂未堪入大爲說四諦十六行等。名知世諦。卽四重二諦中第二重內俗也。不同瑜伽通於大小。及根生熟。鈔爲說四諦等者。謂苦下有四。卽苦。空。無常。無我。集。上有四。集。因。生。緣。滅。下有四。滅。靜。妙。離。道。亦有四。道。如行出。故是俗諦。卽四重者。一假實二諦。二事理二諦。三四諦勝義二諦。四安立非安立二諦。廣如玄中。今是第二重中。俗者以四諦爲俗。故二爲根熟堪入大故。爲說法空第一義諦。三爲疑惑衆生故。知相諦。謂有聞

第一義諦。猶豫不決。若是空耶。則無因果。若是有耶。云何言空。今明卽俗自相是空。共相俱處無違。故名相諦。四爲謬。解迷惑。淡法衆生故。知差別。謂前緣二境。故名爲疑。今聞俱處。便謂是一。名爲謬解。今明體雖不異。性相分位。歷然差別。五爲離正念。衆生故。知成立諦。謂旣聞差別。謂皆有體。名離正念。今明差別。但是緣成。無有自性。故云成立。六爲正見。衆生。知事等四諦。由無前疑執。故名正見。可令知苦。斷集。證滅。修道。事卽苦諦。生卽集因。無生是滅。因亡曰盡。卽盡智也。後果不起。名爲無生。

卽無生智也。若小乘說。現在惑亡。說名爲盡。利根之人。保彼煩惱。當更不起。名曰無生。此盡無生。是其滅體。無學之智。如是而知。意在取滅。故爲滅諦。道言無二者。論下重釋云。一行故。謂稱滅而知。故云一行。前列實法四諦。明其所觀。此中四諦。明當如是觀。七爲大乘。可化衆生故。知菩薩地。乃至如來智諦。謂先住大乘。化令進故。言正覺一切相者。大乘要須於五明處。善巧知故。菩薩地是因。言次第相續者。如從初地入二地。乃至十地。入佛地。大果也。以信解等者。爲釋外疑。六地已上。乃至佛智。

未曾證入彼云何知。故此釋云。信解鏡像觀智力。知非成就智。鏡像卽影像觀。未得本質故。未得本質者。本質有二。一約未證佛智。則佛智爲本質。二旣未證於如來之智。於一切智所知之法。旣是本質。亦影像知。一切所證。未親證故。

論第四佛子已下。至究竟智力知。有十四行半經。明善知十諦法門分。釋義中。復分爲兩段。一佛子已下。至善知如來智成就諦。有六行經。明此位菩薩善知十種諦法門分。二此菩薩隨衆生心樂已下。有八行半經。明便述知諦之所由。經自釋訖。如第一段中。善知此苦聖諦者。不同三乘厭苦忻淨。

方求聖諦故。但達此世間諸苦體無故。卽苦無滅性。道無生性。當知苦體。卽不生不滅。卽與聖道無二性故。故云善知苦聖諦。已下四聖諦。總如之。已下諸諦義。如經自具。一所知法中智清淨勝竟。○第二利益衆生。方便中二。先總起悲觀。二別起悲觀。今初。

佛子。此菩薩摩訶薩。得如是諸諦智已。如實知一切有爲法。虛妄詐僞。誑惑愚夫。菩薩爾時於諸衆生。轉增大悲。生大慈光明。

〔疏〕總中三。初結前。次如實下。觀過。後菩薩下。起悲。

觀過中。先明非真。後誑惑下。對人彰過。今初。虛妄二字。觀內五蘊。謂妄想常等不相似無故。虛此明所取非真。理無不同情有。故云不相似無也。常作我想慢事故妄。此辨能取不實非有。計有常樂我淨。皆名我想。非唯我見。我爲本故。獨云我想也。詐僞二字。觀外六塵。世法牽取愚夫故詐。此顯能取迷真。謂由妄取。令彼世法隱虛詐實。使其貪取也。世法盡壞故僞。此明所取不實。世法相似相續。似有義利而實速滅無利故僞。後對人彰過者。上虛僞二境引心。總名爲誑。妄詐二心迷境。皆名爲惑。

愚夫。卽是依彼正取我慢之人。三起慈悲者。憐愍故悲。勝利益故慈。不住道行勝。故云轉增。皆言大者。勝前地故。云光明者。救生方便智成故。轉增光明。俱通慈悲。文有影畧。轉前慈愍。分同諸佛。故名爲生。

○第二別起悲觀中。二先明化生願。二明化他心。
今初

佛子。此菩薩摩訶薩。得如是智力。不捨一切衆生。常求佛智。

〔疏〕先牒前。得是智力。近牒觀有爲。遠牒觀諸諦。不

捨衆生。牒前慈悲。後常求佛智。正明起願。願救衆生義故。

○二化心中二。先明大悲觀。後佛子菩薩摩訶薩。復作是念。此諸衆生下。明大慈觀。前中悲有二相。一如實觀苦因緣集故。卽知苦體性。二觀深重苦久而多故。卽就人彰過。今初。

如實觀一切有爲行。前際後際。知從前際無明有愛。故生生。死流轉。於諸纏宅不能動出。增長苦聚。無我。無壽者。無養育者。無更數取。後趣身者。離我我所。如前際。後際亦如是。皆無所有。虛妄貪著。斷盡出離。若

有若無。皆如實知。

〔疏〕前中四。初總標二際。二知從下。順觀二際。三虛妄下。逆觀二際。四若有下。結如實知。今初。前卽過去。後卽未來。顯無始終。流轉相故。二順觀中。二先明前際。後如前下。類顯後際。前中復二。先顯緣集苦聚。後無我下。顯二空無我。今初無明有愛。顯流轉因。能發能潤。此以爲本故。生卽是果故。涅槃云。生成本際。凡有二種。一者無明。二者有愛。是二中間。有生老死。今菩薩觀此而起大悲。亦同淨名。從癡有愛。卽我病生矣。然生果有三。一欲求衆生故。

流轉生。欲貪卽是受身本故。二妄梵行求衆生故。於蘊宅不能動出。外道計我常任其中故。三有求衆生故。增長苦聚。三有皆苦故。後顯空無我。及類顯後際。竝顯可知。三逆觀中。順卽苦集。逆卽道滅。虛妄斷盡。卽是滅也。出離是道。四結如實知。卽雙結。二際逆順有無三義。一約凡夫。但有苦集。而無滅道。二約菩薩。逆有順無。三雙約凡聖。眞滅本有。道亦符之。妄苦本空。集亦同爾。凡夫迷故不覺不知。菩薩正了。名知如實。

○第二觀淡重苦

佛子。此菩薩摩訶薩復作是念。此諸凡夫愚癡無智。甚爲可愍。有無數身。已滅。今滅。當滅。如是盡滅。不能於身而生厭想。轉更增長機關苦事。隨生死流。不能還返。於諸蘊宅。不求出離。不知憂畏。四大毒蛇。不能拔出。諸慢見箭。不能息滅。貪恚癡火。不能破壞。無明黑暗。不能乾竭。愛欲大海。不求十力大聖導師。入魔意稠林。於生死海中。爲覺觀波濤之所漂溺。

〔疏〕淡重苦者。無始隨逐。故淡。種種苦事故重。文中三。初總標可愍。不知本空。故名愚癡。不知厭離。故云無智。亦可俱通。故爲可愍。二有無數下。釋可愍。

所由。由迷二苦故。初明淡苦不知。故爲可愍。後如是盡下。明重苦不知。故爲可愍。於中二。初牒前訶後。二轉更下。正明重苦。於中三。初觀生苦。機關苦事。卽是生苦。言機關者。顯無我故。抽之則動。息手便無。若造業因。生生不息。隨生灰下。明有集。愛於諸蘊下。明離滅道。二不知下。觀老病灰。四大毒蛇。是不知病苦。不能拔下。明具彼集。文有四句。一妄梵行求衆生。不能拔出。諸慢見箭。外道多起。故二欲求衆生。受欲者不能息。三毒火。三欲求衆生。行惡行者。不破無明。以見少利。行大惡行。後受大苦。

故云黑暗。四有求衆生不竭愛欲大海。三有之愛廣無邊故。觀如實中說彼三求以爲苦果。今爲集者。三求皆能爲集因而受果故。一文互舉。次不求十力大聖導師。明遠彼滅。不向滅者故。入魔意下。明遠彼道。順寃道故。鈔二欲求者欲求開一二縱情五欲不懼當報是造惡行者。二但耽五欲未必造惡。今是此人。三於生成下。總結過患。舉生成海。總顯於苦。覺觀波下。總明有集。此中兼顯成苦之義。畧不明老。

○二大慈觀中。二初觀境興慈。後廣願饒益。今初佛子。此菩薩摩訶薩復作是念。此諸衆生受如是苦。

孤窮困迫。無救無依。無洲無舍。無導無目。無明覆翳。黑暗纏裹。我今爲彼一切衆生。修行福智助道之法。獨一發心。不求伴侶。以是功德。令諸衆生畢竟清淨。乃至獲得如來十力無礙智慧。

〔疏〕文中二。先覩境。後我今下。興慈。初卽覩前衆生受深重苦。以爲慈境。文中先總。無救下別。總中無父曰孤。明前無所恃。塗盡曰窮。明後無所依。任重無替曰困。常受生歿故。強力所逼曰迫。業惑所陵故。後別中。無救無依。釋上孤義。論云。謂現報已受。不可救脫。當報因招。無善爲依。次無洲無舍。釋上

窮義。溺於覺觀波濤。不聞正法智洲。爲對治故。在於生處曠野。不爲善友慈舍庇故。次無導無目。釋上困義。離於寂靜正念思惟究竟前導故。離於正見之明。目故。旣無導無目。非困而何。次無明下。釋上迫義。無明者。無明任地。舊煩惱故。黑暗者。四任客塵故。常起邪念。故爲其覆翳。不聞正法。故爲彼纏裹。一興慈中。獨拔修善。令物得菩提涅槃之樂。

【劄】二興慈中。經有三節。一爲物修因。二獨一下。孤標大志。三以是下。以善益物。初令淨障爲涅槃因。及畢竟清淨。亦涅槃果。後乃至下。疏總釋義。亦已周圓。

○第二廣願饒益亦彰慈所爲

佛子。此菩薩摩訶薩。以如是智慧觀察。所修善根。皆爲救護一切衆生。利益一切衆生。安樂一切衆生。哀愍一切衆生。成就一切衆生。解脫一切衆生。攝受一切衆生。令一切衆生離諸苦惱。令一切衆生普得清淨。令一切衆生悉皆調伏。令一切衆生入般涅槃。

〔疏〕文中二。先牒前。總明上來修善。皆爲救護。卽是

慈相。

鈔先牒前者。畧舉修善實。則兼前智慧觀察。見生有苦有惡。無治無救。故修善根。而爲饒

益皆慈相也。以善智慧能饒益故。後利益下。別顯救護。有十種相。

前一爲救未來。後八通於現未。一任不善衆生。令任善法利益。二任善法衆生。令得安樂果。謂成彼

善故。三愍貧乏者。與資生具。四修行多障者。令其成就。上二救順緣不足苦。五世間繫閉者。令得解脫。下有五種。令諸外道。信解正法。謂六未信。攝令正信。七令離無利勤苦。八疑惑衆生。疑除解淨。九已任決定。勤修三學。以調三業。十已任三學。令得涅槃。上三卽解行證。論意皆爲外道。理實後三兼通餘類。上來不任道行勝竟。

○自下大文第三明彼果勝。卽不任道行勝之果。有四勝果。一攝功德勝。二修行勝。三教化衆生勝。四起隨順世間智勝。四中初二自利。卽所知。

法中智清淨果。初自分。後勝進。後二卽利他勤方便果。前化他行。後化他智。今初。

佛子。菩薩摩訶薩住此第五難勝地。名爲念者。不忘諸法故。名爲智者。能善決了故。名爲有趣者。知經意趣。次第連合故。名爲慙愧者。自護護他故。名爲堅固者。不捨戒行故。名爲覺者。能觀是處非處故。名爲隨智者。不隨於他故。名爲隨慧者。善知義非義句差別故。名爲神通者。善修禪定故。名爲方便善巧者。能隨世行故。

〔疏〕初攝功德中十句。初三攝聞勝。然有二義。一卽

三慧。如次配聞思修。二顯二持。念卽聞持。智及有
趣。卽是義持。義有多種。畧說二種善巧。謂智卽法
智勝。有趣卽義智勝。然二釋皆聞在初故。論名攝
聞勝。次二攝戒勝。一忍辱柔和勝。卽戒因成也。謂
內懷慚愧。不誑幽明。自護七支。不招譏毀。故能持
戒。二戒無缺勝。卽戒體成也。乃至命難。不捨戒故。
鈔一忍辱者。能忍他惱名爲忍辱。能將護他。說爲
柔和。以柔忍故。緣不能動。二皆拒惡。故名爲愧。唯
崇戒善。故稱爲慚。謂內懷下。釋慚愧相。慚者羞天。
故不誑幽。愧者羞人。故不誑明。不招譏毀。卽是護
他。乃至命難者。釋堅固。後五攝智勝。一者因緣集
言。鷲珠草繫。卽命難也。智。此知法相智。無因倒。因名爲非處。正因緣集。名

之爲處。知處治於非處。故名覺者。二者證智。知魔事對治。隨識分別。皆魔事故。三知妄說智。異說對治。卽知教智。正說爲義句。邪說爲非義句。邪正交雜。揀邪得正。名善分別。四神力起用智。依定起通治。邪依故。五化衆生智。折伏攝受。隨世宜故。上五中。前三自利。後二利他。

○第二修行勝

名爲無厭足者。善集福德故。名爲不休息者。常求智慧故。名爲不疲倦者。集大慈悲故。名爲爲他勤修者。欲令一切衆生入涅槃故。名爲勤求不懈者。求如來

力無畏不共法故。名爲發意能行者。成就莊嚴佛土故。名爲勤修種種善業者。能具足相好故。名爲常勤修習者。求莊嚴佛身語意故。名爲大尊重恭敬法者。於一切菩薩法師處如教而行故。名爲心無障礙者。以大方便常行世間故。名爲日夜遠離餘心者。常樂教化一切衆生故。

〔疏〕有十一句。前四自分。一增長因行。集五度福故。二依止因行。慧爲所依故。此自利福智對。三化生不疲行。四令物證滅行。此二利他因果對。後七勝進。五起佛法行。六起淨土行。此依正一對。七依佛

法身起行。相好法身故。八依佛所作起行。顯三密用故。此二外相內密對。上四皆起菩提。九敬重法行。進依勝已故。上五自利。後二利他。十願取有行。十一離小乘行。卽顯是揀非對。

○第三教化衆生勝

佛子。菩薩摩訶薩如是勤修行時。以布施教化衆生。以愛語利行。同事。教化衆生。示現色身教化衆生。演說諸法教化衆生。開示菩薩行教化衆生。顯示如來大威力教化衆生。示生死過患教化衆生。稱讚如來智慧利益教化衆生。現大神通力教化衆生。以種種

方便行教化衆生佛子。此菩薩摩訶薩能如是勤方便教化衆生。心恒相續趣佛智慧。所作善根無有退轉。常勤修學殊勝行法。

〔疏文〕二。初正明化生。後佛子下。結行成益。今初分

二。初總以四攝攝生。後示現色身下。別明四攝文

有八句。一示色身是同事攝。隨順衆生。應化自衆

故。身同故。即八地中身同事也。一演說法。即愛語

攝。諦語。法語。爲愛語性。一切種愛語中。多約開演。

論云。爲疑惑衆生。即一切門中之語也。一切種者。一切愛語。

皆有二種。一慰喻愛語。二慶悅愛語。二勝益愛語。三開示下。皆利行攝。此

句爲於菩提無方便衆生示菩薩行。卽利行自性。四於大乘疲倦衆生示佛威力。卽一切利行未成。令成故。五爲樂世間衆生著財位故。示其過患。明位大憂大財多禍多。六爲不信大乘。先未行勝善。讚如來智。七爲無智外道。示以神通。上三卽難行利行。八總顯一切門一切種利行。故云種種方便。然利行。夔語亦可參用。由彼夔語。示其所學。卽爲利行。故第二結行。成益中。初結前。心恆下。成益趣。佛智者。爲化衆生。更求勝力。餘文已作不退。未作

增修

○第四隨順世智勝者。明染障對治。染卽煩惱障。卽所知。鈔明染卽煩惱。是第五內明爲治。卽所知。是前四明爲治。文分爲三。初總標多門。二所謂下別示其相。三及餘下。總結成益。今初。

佛子。此菩薩摩訶薩。爲利益衆生故。世間技藝。靡不該習。

○二顯示五明之相

所謂文字算數。

〔疏〕故大般若云。五地菩薩學五明故。卽分爲五。一文字算數。是其聲明。通治懦智障。言文字者。名句。

文身。卽聲論中法施設建立故。算數。卽數建立故。又治取與生疑障。

圖書印璽。地水火風種種諸論。咸所通達。

〔疏〕二圖書至咸通達。卽當因明。咸通達者。正是明義。種種論者。言論尙論。諍論。毀謗論。順正論。教道論等。類非一故。地水火風卽是諍論中攝。謂諸邪見。計不同故。順世外道。唯地爲因。一切皆以微塵成故。水風二仙外道。以風水爲因。世界水成故。風輪持故。事火外道。以火爲因。火成熟故。圖書印璽。卽尙論。隨世所聞故。又此圖書。亦正教量。卽治所

用事中忘障。論云。取與寄付。卽事中障。聞法思義。解中障。作不作。已作未作。應作不應作。皆業中障。印璽亦是現量。又治所取物不守護障。璽卽玉印。

鈔圖書印下。卽六中之第二論也。隨世所聞。卽釋尚義。出所宗尚故。又此圖書下。重釋卽因明中論所據也。所據有十。謂所成立有二。卽自性差別。能成立有八。謂宗因喻同異類。現比教量。下兼現量。卽治所用事者。卽是本論論中。但有書字爲所用事中忘障。取與下。卽論釋此障。論但通云。取與寄付。聞法思義。作不作。事已作未作。事應作不應作。事此對治故。書釋曰。今但以義節畧論文。於此一障。自爲三節。一事中障。二解中障。三業中障。便以疏解意。言作不作者。但作者書之。言作不作者。書之言。言不作。未必惡不作而善作也。下二準之。印璽等者。論中有印而無於璽。今以加璽。故云亦是現量。顯現可見。故又治所取物不守護障。卽是論釋印字。如鹽米等。以印印之。則無強取。

又善方藥療治諸病。顛狂乾痞。鬼魅蠱毒。悉能除斷。

〔疏〕三即醫方明。即四大不調衆生。毒相病障對治。

故。〔鈔〕瑜伽醫方明有四。一病相善巧。二病因善巧。

巧。今文具之。即四大不調。下。即本論文。善療能斷。皆除斷方便。斷已。

不生。故名爲善。〔生〕如來所治者。畢竟不復發。顛。

至蠱毒病相病因於中顛等內四大鬼等外衆生。

蠱毒通二。有草毒蛇等毒故。〔顛〕狂乾消。正明病相。

病相冷。水病相。黃熱。火病相。風相。多端。其顛狂二。

事。亦是病因。由顛狂故。應食不食。食不應。食作不。

應作等。故生病諸病。鬼魅蠱毒。正是病因。因。鬼魅等而生病。故亦是病相。鬼等病故。

文筆讚詠。歌舞妓樂。戲笑談說。悉善其事。國城村邑。

宮宅園苑。泉流陂池。草樹花藥。凡所布列。咸得其宜。金銀摩尼。真珠瑠璃。螺貝璧玉。珊瑚等藏。悉知其處。出以示人。日月星宿。鳥鳴地震。夜夢吉凶。身相休咎。咸善觀察。一無錯謬。

〔疏〕四工巧明。文筆讚詠。卽書算計。度量印工業中書所攝故。韻屬曰文。對詞曰筆。顯德爲讚。寄情曰詠。次歌至談說。卽音樂工業。悉善其事。通上二文。皆憂惱障對治。鈔二音樂工業皆憂惱者卽是本論。凡言對治皆是本論。絃竹娛耳。故除憂惱。國城至其宜。卽營造工業。草樹華果。亦兼營農工業。此卽不喜樂障對治。四營農工業而言亦者。草樹華果。有兩向。

故布列宮苑。卽是營造樹之園圃。卽是營農。此卽
等者。峻宇雕牆。朱軒玉砌。居然悅情。况池塘生春
草。園柳變鳴禽。洪波躍淵魚。清風吹落花。縱意林
流間。歡愛彌日月。豈能憂哉。金至示人。
卽生成工業。繫閉障對治。五生成工業。能作能成。故繫閉等者。家有千金。
不灰於市。日月至無錯謬。卽占相工業。是所得報
何能閉哉。日月至無錯謬。卽占相工業。是所得報
分過惡。因障對治。謂皆由前世惡因。感此凶吉等
故。日月五星。以爲七曜。及二十八宿。竝上知天文。
地震。卽下知地理。夜夢至休咎。卽中知人情。鳥鳴。
卽察鳥情。亦是人情所感。咸善無謬。總究上三才。
卽占相者。先舉論。謂皆由下。是疏釋論。不知過去
所作業。因便取外。相爲吉凶。原乃造惡業。排凶招
吉安。可得耶。今示。因招使修德業。排凶招吉。卽爲
能治。日月五星者。東方歲星。主春。主木。西方太白。

主金主秋南方熒惑主火主夏北方辰星主水主
冬中方鎮星以主於土通主四季星者散也列位
布散漢書云星者金之散氣與人相應凡物之精
上爲列星也言二十八宿者謂角亢氐房心尾箕
斗牛女虛危室壁奎婁胃昂畢觜參井鬼柳星張
翼軫廣如大集四十中經云娑婆世界主大梵天
王釋提桓因四天王等而白佛言過去天仙分布
安置諸宿辰曜攝護國土養育衆生於四方中各
有所主東方七宿一者角宿主於衆鳥二者亢宿
主出家求聖道者三者氐宿主水出衆生四者房
宿主行車求利五者心宿主洲渚衆生六者尾宿
七者箕宿主於國師南方七宿一者井宿主於金
師二者鬼宿主於一切國王大臣二者柳宿主雪
山龍四者星宿主巨富者五者張宿主於盜賊六
者翼宿主於貴人七者軫宿主須羅吒國西方七
宿一者奎宿主行船人二者婁宿主於商人三者
胃宿主婆樓迦國四者昂宿主於水牛五者畢宿
主於一切衆生六者觜宿主鞞提訶國七者參宿
主於利利北方七宿一者斗宿主堯部沙國二者
牛宿主於利利及安鉢竭國三者女宿主央伽摩

陀國四者虛宿主般遮羅國五者危宿主著花冠者六者室宿主乾陀羅國輪虛那國及諸龍蛇頭行之類七者壁宿主乾闥婆善音樂者大德婆伽婆過去天仙如是布置四方諸宿攝護國土養育衆生釋曰此皆西域之事此方所主分野等又有差殊經文有之畧知去就未窮玄象非我之愆難勝聖人不習而利然天垂象聖人則之故繫辭云辭也者各指其所之易與天地準故能彌綸天地之道仰以觀於天文俯以察於地理是故知幽明之故原始反終故知生處之說釋曰其知幽明卽中知人情瑜伽之中餘六工業者一和二呪術三商賈四成就五防邪六事王廣如彼釋

持戒入禪神通無量四無色等

〔疏〕五內明治五種染。一持戒治破戒染。二入禪治貪欲染。三神通治邪歸依染。四無量治妄行功德染。謂治殺生祀祠求梵福故。五四無色定治妄修

解脫染。謂治殺生者。卽智論百論。皆說外道殺馬祀梵天。祈生梵世。今以慈悲喜捨。四無量心。能生梵天。治其邪見。五四無色定者。外道以彼爲涅槃。故今能入之。示其謬計。此經論中。唯說世間爲內明者。經明隨順世間智故。上來所釋。多依本論及瑜伽十三四五。其中更有別理。恐厭繁文。又論與經。有下次者。但可以論就經。不可迴經從論。

○第三總結成益

及餘一切世間之事。但於衆生不爲損惱。爲利益故。咸悉開示。漸令安住。無上佛法。

疏成益者。此起世智。具四種相。一異障中無障。故云。但於衆生不爲損惱。事中不知。名之爲障。損惱

生事。復是事中異障。今無此捕獵等之異障。二與無過樂。卽為利益故。謂雖不惱。令其染著。亦不爲之。三發起清淨。卽咸悉開示。謂能起助道之事。四所用清淨。卽漸令安任。無上佛法。謂用此得淨故。

鈔但於衆生者。賢首品云。若見世界始成立。衆生未有資身具。是時菩薩爲工匠爲之。示現種種業。不作逼惱衆生物。但作利益世間事。卽其義也。而論但云。異障中無障故。餘皆如疏釋。

○第二位果。亦有三果。初調柔果。亦四。一調柔行。二教智淨。三別地行。相。四結說地相。前中有法。

喻合。

佛子。菩薩住是難勝地。以願力故。得見多佛。所謂見

多百佛見多千佛見多百千佛乃至見多百千億那由他佛。悉恭敬尊重。承事供養。衣服飲食。臥具湯藥。一切資生。悉以奉施。亦以供養一切衆僧。以此善根。迴向阿耨多羅三藐三菩提。於諸佛所恭敬聽法。聞已受持。隨力修行。復於彼諸佛法中而得出家。既出家已。又更聞法。得陀羅尼。爲聞持法師。住此地。中經於百劫。經於千劫。乃至無量百千億那由他劫。所有善根。轉更明淨。佛子。譬如真金。以硨磲磨瑩。轉更明淨。此地菩薩。所有善根。亦復如是。以方便慧思。惟觀察。轉更明淨。

〔疏〕法中。正起行內。又更聞法得陀羅尼者。論云。非
得義持者。對勝顯劣。般若未現前故。所以得聞持
者。得二難故。一地初十平等心。難得能得故。二地
中樂出世間智。現世間智。此不住道。難得能得故。
此之二難。對劣顯勝。故得聞持。不同三地。唯世間
聞持。喻中。真金碑礫磨瑩者。證智契如事。為真金。
教智光。明。能示現如事。猶彼碑礫。〔鈔〕證智契如者。
明真如事。示現如經。諸佛子。譬如真金等。釋曰。證
智為真金。如如為所契之理智。為能契之事。事合
於如。故云如事。教習能
顯上之如事。故如碑礫

○二教智淨

佛子。菩薩住此難勝地。以方便智成就功德。下地善根所不能及。佛子。如日月星宿宮殿光明。風力所持。不可沮壞。亦非餘風所能傾動。此地菩薩所有善根。亦復如是。以方便智。隨逐觀察。不可沮壞。亦非一切聲聞獨覺。世間善根所能傾動。

〔疏〕教智淨中。日月等者。論云。依阿含增長智慧光

明。勝前地智故。謂勝前地珠光。餘文如前。鈔日月等光者。

遠公云。梵本唯以星光喻於此地。意云。六地方用月光喻。故理應合然。餘如前釋。

○三別地行相。四結說地相。

此菩薩十波羅蜜中。禪波羅蜜偏多。餘非不修。但隨

力隨分。佛子。是名略說菩薩摩訶薩第五難勝地。

○二攝報果

菩薩住此地。多作兜率陀天王。於諸衆生所作自在。摧伏一切外道邪見。能令衆生住實諦中。布施愛語。利行同事。如是一切諸所作業。皆不離念佛。不離念法。不離念僧。乃至不離念具足一切種一切智智。復作是念。我當於衆生中爲首爲勝。爲殊勝。爲妙。爲微妙。爲上。爲無上。乃至爲一切智智依止者。此菩薩若發勤精進於一念頃。得千億三昧。見千億佛。知千億佛。神力能動千億佛世界。乃至示現千億身。一一身。

示千億菩薩以爲眷屬

○三願智果

若以菩薩殊勝願力。自在示現。過於此數。百劫。千劫。乃至百千億那由他劫。不能數知。

○第三重頌

爾時金剛藏菩薩。欲重宣其義而說頌曰

菩薩四地已清淨

思惟三世佛平等

戒心除疑道非道

如是觀察人五地

念處爲弓根利箭

正勤爲馬神足車

五力堅鎧破怨敵

勇健不退入五地

慙愧爲衣覺分鬢

淨戒爲香禪塗香

智慧方便妙莊嚴

入總持林三昧苑

如意爲足正念頸

慈悲爲眼智慧牙

人中師子無我吼

破煩惱怨入五地

〔疏〕二十二頌分三。初十七偈頌地行。次四頌地果。

後一結說。初中又三。初五偈三句頌勝慢對治。於

中初四偈頌十平等

菩薩住此第五地

轉修勝上清淨道

志求佛法不退轉

思念慈悲無厭倦

積集福智勝功德

精勤方便觀上地

佛力所加具念慧

〔疏〕餘一偈三句。頌如道行。

了知四諦皆如實

善知世諦勝義諦

相諦差別成立諦

事諦生盡及道諦

乃至如來無礙諦

如是觀諦雖微妙

未得無礙勝解脫

以此能生大功德

是故超過世智慧

〔疏〕第二六偈三句。頌不住道。於中初兩偈一句。頌

所知法中智清淨

既觀諦已知有爲

體性虛僞無堅實

得佛慈愍光明分

爲利衆生求佛智

觀諸有爲先後際

無明黑闇愛纏縛

流轉遲迴苦聚中

無我無人無壽命

愛取爲因受來苦

欲求邊際不可得

迷妄漂流無返期

此等可愍我應度

蘊宅界蛇諸見箭

心火猛熾癡闇重

愛河漂轉不暇觀

苦海淪胥闕明導

如是知已勤精進

所作皆爲度衆生

〔疏〕後四偈半。頌教化衆生勤方便。於中初一偈頌
總觀有爲虛僞。起慈悲二心。次一偈半。頌悲觀中

觀緣集苦。次一頌半。頌觀身重苦。後半頌大悲觀。

名爲有念有慧者

乃至覺解方便者

習行福智無厭足

恭敬多聞不疲倦

國土相好皆莊嚴

如是一切爲衆生

爲欲教化諸世間

善知書數印等法

亦復善解諸方藥

療治衆病悉令愈

文辭歌舞皆巧妙

宮宅園池悉安隱

寶藏非一咸示人

利益無量衆生故

日月星宿地震動

乃至身相亦觀察

四禪無色及神通

爲益世間皆顯示

〔疏〕第三四偈半。頌彼果勝中。初半偈頌攝功德勝。次一頌修行勝。於中如是一切爲衆生句。兼頌教化衆生勝。

智者住此難勝地

供那由佛亦聽法

如以妙寶磨真金

所有善根轉明淨

譬如星宿在虛空

風力所持無損動

亦如蓮華不著水

如是大士行於世

住此多作兜率王

能摧異道諸邪見

所修諸善爲佛智

願得十力救衆生

〔疏〕後三頌。起世智勝。

彼復修行大精進

卽時供養千億佛

得定動刹亦復然

願力所作過於是

如是第五難勝地

人中最上真實道

我以種種方便力

爲諸佛子宣說竟

〔疏〕後二偈。頌果位三果。并結說可知

〔論〕此重頌前法。意明難勝地。以其禪體。治三界中。寂亂障。契菩提根本。無造作禪理。不出三界。不在三界。無有欣求淨穢等障。任理恆禪。寂用自在。以定觀察。爲世技之妙能。

五地竟

大方廣佛華嚴經疏論纂要卷第六十七

福州松菴比丘寂燄捐衣孟刻
 華嚴經十地品疏論纂要第六十七卷
 伏願 乘大法因緣植一乘真種入華
 藏海與普賢行廣度含生齊成佛道
 康熙庚申年七月 華藏室謹題